



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	KOSMO			
TARIKH	:	15/6/2021	MUKA SURAT	:	7
JABATAN	:	KeTSA			

Tengku Hassanal saran semua aktiviti perlombongan dihentikan segera

Status UNESCO Tasik Chini dipertahankan

ABDUL RASHID ABDUL RAHMAN

KUANTAN – Pemangku Raja Pahang, Tengku Hassanal Ibrahim Alam Shah Al-Sultan Abdullah menitikahkan supaya status Tasik Chini di Pekan sebagai Tapak Rizab Biosfera oleh Pertubuhan Pendidikan Sainifik dan Kebudayaan Bangsa-bangsa Bersatu (UNESCO) pertama di negara ini terus dipertahankan.

Pengelola Bijaya Diraja Sultan Pahang, Datuk Ahmad Khirrizal Ab. Rahman berkata, sehubungan itu baginda menyarankan agar aktiviti perlombongan di Tasik Chini dihentikan dan kawasan bekas lombong itu dipulihkan semula.

"Baginda mengambil berat dan akan sentiasa memantau usaha yang dijalankan oleh Kerajaan Negeri Pahang untuk memastikan alam sekitar di negeri Pahang sentiasa terjaga.

"Baginda menyeru agar semua



TENGGU HASSANAL

pihak untuk sentiasa amalkan prinsip alam sekitar, sosial dan urus tadbir yang baik supaya khazanah alam akan terus kekal dan dapat dinikmati generasi akan datang," katanya dalam kenyataan akhbar di sini semalam.

Menurut Ahmad Khirrizal, Tengku Hassanal telah meneliti



TASIK Chini di Pekan diiktiraf sebagai Tapak Rizab Biosfera oleh UNESCO.

laporan dan gambar yang tular dalam media sosial serta mencemar duli mengadakan lawatan tapak secara mengejut di sekitar Tasik Chini semalam bagi melihat sendiri keadaan tasik itu.

Katanya, baginda juga meneliti laporan yang dipersembahkan Menteri Besar, Datuk Seri Wan Rosdy Wan Ismail serta bersetuju dengan langkah kerajaan negeri yang tidak lagi mengeluarkan

sebarang kelulusan baharu perlombongan sejak 2019.

Sementara itu, katanya, dalam usaha memulihara hutan di kawasan tasik itu baginda juga bertitah agar kawasan Hutan Simpan Chini sedia ada seluas 4,600 hektar diperluaskan kepada 6,000 hingga 7,000 hektar bagi menjaga kepentingan flora dan fauna di kawasan tasik itu.

Katanya, baginda juga meminta agar Tasik Chini yang diberi status Tapak Rizab Biosfera UNESCO dapat diberi keutamaan dari sudut peruntukan kewangan dan pembangunan lestari oleh Kementerian Pelancongan, Seni dan Budaya serta Kementerian Alam Sekitar dan Air.

Jelasnya, baginda turut bertitah agar digiatkan lagi aktiviti pemeliharaan dan pemuliharaan kawasan Tasik Chini yang sedang dilaksanakan oleh kerajaan negeri dengan kerjasama Kerajaan Persekutuan.